

K286

14914

題詞

錫生有可造之才詩不足以盡之也道光壬寅夏六月少穆林則徐識

惟子能知我天涯幸有鄰于今一為別此外竟無人山入翠微聳江尋草閣春相期無盡意嶺表任鴻鱗丁未九日大治友人楊威朝留別即書卷首

氣骨清拔絕無俗韻置之秋谷浮家迴颿集中不能辨也陽湖周騰虎

逆旅招邀近山雲薄莫時怡然共攜手可以賦新詩同調嗟誰惜開懷無媿辭長安若个伴從此數追隨開卷得佳句情忘發興奇吾徒自飄泊斯道未磷緇此地生涯晚流年壯士悲何時一尊酒來把菊花枝歲丁未余客西安與厚菴居相近

介子周子致甫以訂交目集杜句題所樂軒卷首陽湖呂成思
丙午以前諸詩刻意生新尚不免間落近調丁未以後大有
業落垂實之意殆不與近人較優劣矣此中消息亦譬如耳
鳴只自知之也龍門江開

萬斛泉原不擇地流出足以踵軌蘇髯已酉歲莫固始將湘南
仙人來瑤島懷抱綠綺琴一彈再三歎山水饒清奇成連既
已往鍾期不可尋路旁采樵客傾耳徒沈吟庚戌小春錢園山
樵孫運錦題於彭城

大雅何寥閎長歌欲損神文園多病後子夏索居頻交態知
浮俗生涯脫要津色蒙欣有擊感激異天真霄漢瞻佳士
如公復幾人詞華傾後輩文雅見天倫靜者心多妙詩成覺
有神何時一尊酒直取性情真咸豐初元辛亥石贊清集杜句

男兒事業不青史安用聲名動都市舉頭一笑歸去來齊革
京華半金紫錫侯氣如虹捫鉢萬古開心曾高文出袖
快披覽游目未竟尤熊羆尋原漢魏洎唐宋及邛魏追空
同大雅扶持起哀蟬班香屈盤猶變風相知十載不相見一
日金臺共權宴醇醪公瑾久傾蓋詞賦君苗欲焚硯悠悠俗
譽何足多口曾傳故人羨邇來天下多風塵一言慷慨為
君陳讀書致身貴有用詞章記誦徒紛紛況今薄聞廟堂上
上書痛哭頗有人落花三月春風了吾將徒步歸江表君亦
燕東縱馬遊晨星零落長安道江湖落拓多異人北平未見
如君好烏庠錫侯善自保富有良材慮枯槁壬子春莫同歲生
武進劉達善

那容議論老斯文落漠相逢強酒杯白垓何年堪罷戍黃金

此日竟無臺燕勞身世均惆悵烽火關山獨往來尚有故人
渺天末謂發斗牛紫氣六堪哀乙卯夏五達善再題

所樂軒臺目錄

卷一

古今體詩六十二首

卷二

古今體詩四十九首

卷三

古今體詩五十三首

卷四

古今體詩七十五首

兀魯特 錫淳 淶砭

所樂軒臺卷第一

詩

兀魯特 錫淳 淥缸

庚子時侍官在西安

雜詩二首

記得菊花開故園重九節
花開不恨遲恨與故人別
獨騎五花馬再射萬夫開
夜獵灞陵橋不上黃金臺

秋夜

短扉夜半啓秋深寒意微
地白浸霜色燈暗淒殘輝
漏響羣籟止月明繁星稀
靜理吾已按泰然何所希

辛丑

作詩

作詩若治醫自醫苦無藥昏豈不知歷歷憶如昨境過言
乃喻譬罕語非鑿束法檻中猿構意天外鶴微行闕榛莽決
背穿洞壑巉巖履未半腰脚用則虐緩逸三面網失勢千丈
落林上堇父布轉瞰北門鑰朽索馬誰馭詭遇禽難獲得失
本冥茫謬誤況剝掠淳也為此懼鬱陶心作惡是構膏育疾
豎子自牽縛雖服寒食散焉逸君子瘡饗美少醪醪養性乏
醇醪護病羞景丹弱顏忌扁鵲毋乃詒伊感甚哉此鑄錯其
始昧知止謂能觀大畧識淺窺易迷力絀畏斯卻苟得安可
希自欺詎弗作獨至期果殺衆妙在寂寞年少朱异廉思遲
李瀚酒何術能治此治之以不作

喜雨同友人賦

萬花潑潑向人開餘滴聲聲入亂苔空翠滿庭涼近送斜陽

穿樹影低來天公好雨原知節才子新詩不待催草野漫陳
虞寄頌扶風官舍正銜杯

送內弟薩六雲生柯阿之湖南

瀟湘帝子今何許弔古南移萬里舟自有山川恢壯思從來
少小澹離憂論文我愧邛邦士得句君傳趙倚樓欲擬河梁
詩送別灞陵煙雨暗深秋

落葉

雲輕風緊亘霜氣舊日繁華失春媚空山落葉太蕭蕭無邊
林木秋漸凋人世榮枯那可側狂紅亂翠無顏色荒林日莫
獨棲鴉瘦骨空枝眠不得芳蕤再馥理所難獨立踟躕懷幸
酸中夜撫劍不能寐起聽商聲游雲端鳴鴈過鳩喚人老高
足要津據宜早君不見王曾養生在溫飽

士寅

見林尚書則徐

仰止肅今願虛懷見古賢先生真愛士賤子竟忘年此外誰
心折斯文況口傳相期無盡意依戀馬蹄前

時尚書出
關西成

霖雨行

今年大雨遍三輔月額天飄滋膏乳石郎戴笠女披衣走報
蝸皇漏毋補重淵掉尾見黑蛟矯矯陰蜺在空舞渴虹側下
飲玉池金烏隔水但斜睺可憐山帶紫石燕豈有深潭繩掣
席秦中傳呼瑞澤時寒襦饑粟天庥普傳人相告更欣欣今
雨歡喜況非古古時零雨宿車下從役三齡軍士苦流黃月
冷遲結襦桑野風淒傷破斧方今海隅慶率俾密邇八荒同
牖戶小醜東南偶不共何難去惡如脫距懷柔耻用剛孰威

乃使有苗格干羽銀河澣濯甲兵息毒逐誰聞響金鼓陶埏
本自被無形霖霑滋能適其所吾儕作息居豐鎬耕田時或
臨韋杜最喜終南佳境多千峯滴翠難勝數幾人獲稻歌決
日何幸安巢皆樂土我聞此語太息頻甘澍沛然神福汝成
周當年金魚躍闕右今尚記奇語寶珠會自零九霄虞寄頌
聲播鐘虞

驪山

當時雙繡嶺萬花五家隊遺蹟柏千株秋煙黯深翠

十月十四夜

中天月正縣四圍一皎潔疎林下寒影滿地白于雪簷虛怯
涼陰幽齋門欲閉史深寒逼人短燭明復滅苦茗煮活火消
寒試一啜登牀不成寐布衾冷似鐵殘葉落有聲打窗風烈

烈颼颼過夜半力緊竹疑折朝來小池菊新冰花自結

終南進士圖同海大蔥田

鍾賦書鍾馗跨蝙蝠一鬼直劍尾之

一夢可以通帝閭新鬼英姿尚勃發審象番如古良弼武舉
不捷從何說濕沈生來蝙蝠精乃同箕尾跨之逸驅役鬼神
鎖祕恠君儻御世真超絕游魂猶憶在終南佳氣滃濤千雲
端袒臂擲足死寐冥仰天叱咤中心酸小鬼眾眾目眈眈短
髮鬚鬚齒齖齖淫哭乾啼暱不行丈夫翻笑人間淺陰風倒
卷秋雲低鬼物揪捩青磷飛平生肝膽一劍古對此弥慙窮
鬼五勸君莫賦雁門詩道子丹青意匠苦

癸卯是歲赴京兆試

夜渡渭水

沙白低侵月星寒倒入河少年飛動意不唱定風波

夜投華陰

馬首生新月淒風入夜涼村燈紅似豆沙岸白于霜野曠天
為幕途荒樹作牆吾廬自拋棄苦說赴名場

潼關二首

徑窄峯尖劈雲低阪下生大河吞曉日絕壁控高城隆準曾
先入哥舒未解兵憑臨無限意懷古羨長纓
欲問桃林寨當年幾戰場摩空千仞絕守險一夫當山下今
歸馬關中舊爛羊時平輕將帥無取漢馮唐

硤石

我行硤石山夕陽蔓壑枝峯壘低昂奇如鬼立蒼狗躩沉瘁
僕夫瘡元黃石齒嶙嶙地喉吐青噴煙嵐白吹雨雲師風伯
卒然來空中冥兀鞭龍席補天自媧皇立碑有神禹餘者僅

分宋國五遺孽流言晉魏榆礲礪紛難數吾聞良象小
石易有辭輕比萍藻何能為周道茂草秦政苛長驅過海恣
鞭苔東都星墜刻詠燔之不盡塞路歧嶠函東西勢嶮絕
熊耳蝌蚪相傾崎振衣千仞行未已瞥眼餘霞明洛水石室
無由探秘書紫文金簡誰堪擬便欲關弓發羽箭絕技早愧
熊渠子春寒日暮猿猱悲劃然長嘯谷風起

遊西山宿秘魔巖三首

不必問仙跡身閒心自清秋嵐橫牖過梵磬假山鳴莫靄杯
中秀餘霞枕上明谷泉時噴薄送得管絃聲
無限蕭疎意秋風送晚涼白雲堆古寺紅樹飽斜陽貝葉題
應滿殘碁味亦長燈花自開落一榻靜僧房
喚醒蒲團夢關門月滿山諸天明淨裏大地混茫間秋意眼

中豁鐘聲雲外閒盧師高隱處即此是禪關

榜後鼎鄂松亭舅氏

燕臺落葉惜秋深側聽香風動桂林中聖誰傾無事酒莫邪
本是不祥金乍窺短鏡還遮面但比焦桐只痛心珍重緹袍
莫相贈繁霜冷露大蕭森

歸去三首

侍親徂秦隴言念歸故鄉故鄉居無何夢寐在西方岵岵蔽
遊子瞻望氣不揚去去不能辭誰復悲河梁請看秋雁飛送
我今遠翔

親朋並相送戚戚臨永路人生如過鳥所棲無定樹吾道在
知己何必相把晤倉卒出郭門填膺煎百慮悠悠陟曠野策
馬不回顧秋風動落葉過耳自來去

秋聲聽未已霜露寒衣襟水落桑乾河葉丹楓樹林蕭索豈
足悲憂思故難禁艱難共道路無乃損雄心關塞不可極嗷
嗷鴻雁音山水不相知淒淒伯牙琴

涿州夜發

光散星迷離影掠樹出沒微聞村落間野犬吠殘月

柏鄉旅夜書壁

不飲柏鄉酒淒淒感故吾天荒秋意盡月冷客心孤說劍誠
非術吟詩太向隅邯鄲明日到幽夢近應無

甲辰

莫春自西安侍宦靈州紀行五首

六年居慣古長安惘惘西來路渺漫身比夏畦行處熱腰同
春柳折時酸遠山不障斜陽返平野無人古木攢正好晚風

動詩思蒼然暮色逼征鞍

峻嶺俄登太峪

在州東

高狂風卷雨挾奔濤愁雲低擁村全失急

溜空翻浪乍淘萬木亂搖天迴迴數峯無色水滔滔旅人竟

魄歸何處敢說王陽不自豪

蕭關

在平涼東

尖友嶺摩空兩面高崖一徑通每伏坎軻心計外漸

知趨避險途

中車憑人駕驟全釋

荒店夜投不成寐旅愁多在五更風

泥濘不可行縣開路于旁

路向山開斧窠工

群山奔赴五原來削壁嶽嵒寄鬼斧開河畔冰消春已去隴頭

草活雪仍堆邊城土沃哀鴻少野戍沙深汗馬回見說朱旗

依北斗中宵獨聽角聲哀

漠南舊磧受降城闕塞蕭條渡雁聲野燒平銷黃草淺朔風低
卷白沙鳴自緣奔走空皮骨幸際承平息甲兵北渚賀蘭問

靈武不吹盧管怨長征

天池子

紀實也子再赴京兆試取道才邊經此在霸州東百五十里

夜投天池子行李何卒沙漠不成村朔風但淒烈歎枕未就睡扣門聲轉疾女子拭面啼男子脚不襪耦語互雜亂悲踈尚懷慄云來諸健兒謂是榆林卒戍邊此經道供億無敢乏芻糧竭膏脂所冀免瞋唱狂狡乃罔極狎戲等圍犖感悅驅吠尤此理豈容說鞭笞下如雨老稚血染褐吾聽立且走填膺憤之切出與健兒言于汝寔有缺男兒博封侯戰伐少暇日方今重守邊立功在回紇危哉速行邁負戈棄家室浮雲蔽千里婦歎倚蓬華水萍及兔絲引蔓事恍惚結襦不堪念寂寞新昏別波瀾息古井標梅矢貞潔野處故荒陋蕙蘭詎可摘踴躍鋒刃端性命且弗惜此身擔許國城關敢拖達

朝廷需人材若輩宜振刷群感吾言誠拜倒各嗚咽吾乃重感歎撫劍悲叱咤人生立功名仗義斯豪傑區區田舍翁悌意輒撲殺異日陷虜陳為君仗斧鉞于思或棄甲示弱滋不克高勲樹匪易敢昂崇氣節杯酒遽相離時危幸免脫丈夫末路恥辜負賢若戟斯言汝勿忘努力備行列吾且北行速飲馬長城窟雞聲迫起舞揮袖便發夕男婦遮道留主人願愛客不腠具雞黍排難酬君德卻攜所嬌女髮亂顏如雪長跪涕齋面粉黛闕狼籍夙夜畏行露此志殊缺齧觸目祇愁慘俛仰情欲絕守望莫相助村落渺蕭瑟鴻雁鳴嗷嗷助勞困中澤斧柯未假手安集愧無術願自好生理中谷毋啜泣行將赴閭門跪上治安策

交城山行四首

山花自開落行行意未闌幽情不欲洩馬上豈能看
松柏聳千株分作衆山碧就中飛白雲蒼茫問仙蹟
古洞現古佛三清與五祖一陣山風來拍手天花舞
山凹垂古藤上有鸞魁挂何時避穀遊同戲此山下

到京

親故相逢且盡歡家鄉春色又闌干心馳萬里遊中夢身作
孤雲倦後看多事泥塗瀉蠟屐不應蕭梳著儒冠班生久歇
毛錐子只恐高堂慰籍難

乙巳

遊檀柘山宿岫雲寺次東坡寒食韻二首

我宿檀柘山維時及寒食古寺斂新翠春深最堪惜暮色忽
已交雨聲送蕭瑟晚風盪虛谷亂灑梨花雪清景參動機狂

吟入酒力更汲龍潭水閒煮白石白
排闥開曉雲九峯碧未已鐘鳴流水中山霽鳥聲裏石榻夢
一覺衣衲枕竹葦題詩不成句揮灑墨淋紙危闌一以眺胃
吞幾百里苟得山水娛安石誰能起

姚少師祠

和尚緇衣不改為大王白帽推戴之一洗垢面雨天下蕭梁
事業金壇詩

晚渡漳沱

破曉辭荒店長河枕大隄水沈殘月小沙障遠林低野鷺斜
飛岸輕颿逆上溪白雲回望處麥飯短亭西

步飯亭深馮并
進光武麥飯處

盧生祠二首

塵寰三度笑亡羊為說邯鄲夢一場但恐斯人都悟徹大千

世界太清涼

良弼曾聞夢裏求
膏騰事業摠千秋
盧生也自功名遂
誤被痴人說幻遊

邯鄲旅夜見娟娟女史壁
上詩音節激越似落拓不羈之士洩憤之託言也
因書其後

良夜曾無花解語
閑情可有伎參禪
境當過後都成幻
色未空時摠是緣
別寄深思難共白
但題本事已堪憐
步兵也抱窮途恨
不倚歌眠倚酒眠

新安

土瘠民貧三里城
新安冷落漢家營
荒山尚作迴環勢
戰鬼難消痛哭聲
有吏守關空恃險
無丁供役況加征
慈祥不少賢明府
底事登高喚癸庚

書赤水旅壁買馬詩後用其韻

寄跡鐵圍山
應生無所住
壯遊未逞志
以馬開道路
淳也鄙懷安
振策渺四顧
東駿肆遠行
蹇跼耻低首
厯久知險難
迷方懲淪誤
不嗟衣裘敝
誰凜朽索馭
何物祖逖鞭
能追許由步

聽達大臣卿別駕洪阿彈琴

別駕之琴彈古調
騷騷矚仙似
神妙別駕之琴
焦尾桐七絃
謾謾鳴松風
松風吹入中
郎耳欲揚
先抑聲徐起
可憐操縵少人知
秦零不作嵇康死
琵琶一曲沙場卧
况復七鈞與五和
寄情奚若淵明無
對使甯為安道破
我來蘭山得識君
有如下里聆陽春
耳聾但作箏聲聽
指法亂目徒紛紛
西涼邊徼朔風多
幾吹盧管雜悲歌
騷蘇只說牛鳴盜
其奈微言不

解何

微言秘書著
明尹尔齡著

涼州道中

風敲冰碎激寒流雲鎖山尖繫客愁短笛不聞邊塞怨悲如
早動玉門秋長征猶記秦時月遠戍誰登古驛樓那有詞人
問興廢一鞭晴雪出涼州

甘州

時侍宣
來此

紅水洗沙磧黃雲失席臺

南涼嫫媼漢名將愁聽角聲哀

行路難題張協鎮汝勤遺像二首

公字敬齋籍直隸大名嘉慶
間官陝西甯陝參將以善卜

前知玉郎變謝病本後以甘肅靜甯副將戍邊
卒公子敬官甘州千總乙為作傳並題其後云

長楚之無知松柏之不寒老馬為駒不自顧其後宜謳猶酌
食乃甘食之有不足小人之腹且三歎顧詹周道莫能吞目
于盟井徒乞憐蜉蝣掘閔昧歸說攜手悲歸行路難王陽回

車處我輩宜挂冠挂冠復何言薪木既傷毀無乃懷辛酸
揚水之四章不敢以告人夢者之子接浙可以行狡兔營之
以三窟亨魚既之以釜鬻考崇寤寐碩人軸惛惛日瘁故難
任竹杖芒鞋歸太晚退老田園飽餐飯衡門泌水幾樓遲邊
陲又成風塵遠盡瘁事國不息偃白雲在天際悵望何時返

有感四首

月入邊城冷風吹夜角寒二矛迎敵潰三箭奏功難未樹前
軍幟誰登大將壇微聞傅介子不忍敵樓蘭
弱水波濤惡祁連草木空黑番不羈馬赤子可憐蟲李廣羞
奇數秦襄失小戎懷柔原在德耻請肅符銅
大息蘇明允從知審敵難鼎金無士死挾纜有軍歡破胆驚
番部攻心屬候官賈琮來恨晚霜雪滿筋竿

但有如天福何求益地
番連營軍縱鷁窮寇
樓烏舊俗曾修戰
今朝始賜旅極伊
自愁絕誰為將
長鬚

丙午

曉發撫彝

黃沙堆大漠黑水渡窮邊
日冷霜痕滿途荒樹影圓
風來作響馬走地生煙
莫唱刀環曲長征是少年

六盤山

時侍宦東之西安

予茲心呶辭西涼馱馬首
東道阻長凹凸堆阜胥童
賴黑河不盈黃河黃山水
作惡瞻明膏肓春待榮之
彼蒼臣霧齒龔笑乾吮五
原六盤山砢礪汝三來復
一覲亡曩予排迨今方洋
如西域晚碎葉城時月逢
窮歲款詳載懋使駭重行
行司然靚止所預償蔓壑
枝峯疊低昂側旋羊角陡
馬當絕壁仆

若奇鬼僵崩雲散髻觸石
砢逐北蒼狗走而躩是時
春杪雪尚雱疇驅玉馬獵
銀獐奔奔濂濂翩湖岡嶺
表鐘飛風末聲厥有驚殿
與寶坊錦麝燈燦金銀裘
素煙帶合白霧縈整歆而
度予心香有人喁喁雁字
堂眼白軀細者支郎問大
小乘苦海航曰羞僧迺是不
覺懷素栗尾哆鼎扛鼠鬚
魚卵生則戕鬼其餒而右
軍王尸居肉走寄生囊利
慾在心腹腎腸淨王遜跡
桑宏羊予口舌之心不降
士或賤賤功名輕慙德稱
是尤昏膏爰吊遘事泐李
唐在大中初復河湟七關
嶮巖平涼障就中此山百
夫防誰克敗隘張若康寔
卷為旆張席章老雅誚闕
冠帶更雪肅代耻隸番氓
惜田稅未什一征所云得
僞虛有名終勝無之頗足
矜損威示弱託弭兵于思
棄甲滋不颺方今來享自
氏羗聞刈葵藿古戰場予
獨曷為慨以慷出

門一笑天放晴衆山玉曜全面妝送予東下負斜陽投止瓦
亭謁舍旁欣于所遇情敢忘茲猶輝媚思形相邂逅異狀神
翅趙敬謝山靈厚意將籌所報以詩相梁

友人賦八寒詩戲和其三

千將一太後石匣不勝寒寂寞徐君墓蕭條大將壇舊痕留
熱血往事冷忠肝鍊盡丹爐火霜華著意看寒劍
暮鴉幾點黑餘雪尚城邊昔卧中庭月今餐古墓煙淒淒涼
夜角凜凜朔風天緬彼烏頭白高飛一黯然寒鴉
被凍癡如此秋風了一生可能隨驥步應悔逐雞鳴小字傭
工誤讒言冷局成少年豪橫過歐陽永升詩取喻眾分明寒蠅

灞橋

流斯斜趁莫雲斜誰寄相思夢綠華剩有橋邊一片雪被風

吹散作梅花

途中祭竈歌

時自西安赴禮部試

張君張君眠勿酣上帝待君北斗南千門萬戶兔園冊曰司
筆札惟君堪張君拜手稽首上頭腦冬烘臣則慙躬暨祝融
幸勤事肆食猪首尊珠龕潯古涂月廿四吉范文正歌其言
甘予茲計偕止謁舍齊供無措心憂悵酒糟塗抹狀嫵媚羞
與王孫肩老叅行李一介莫備物黃羊白雞君宜貪惟君飽
食太平福司命沈醉恣所餽鯨生無厭更有乞隼尾賚我恩
澤覃奇材數奇李廣哭矧早烈死南八男煮鶴焚桀惡劇小
擦巖采餘人爵擔尚其取拔洞觀火貞明因數無私三一旦
夷竈或子役君且跋履弗停驂太常饗竭牢賞夥饒貪蜂擁
食葉蠶孫虞增減條改命抑恐德甚猶趨趨言既張君鼓髯

笑飛蓬不宿汝不諳時平安有四方事積薪厝火吾其慙

K286
H914

所樂軒豪卷第二

詩

丁未

見星投孟津不至

向晚征車行途長莫可算落日山角吞白雲
樹根斷沙磧黯暝色犬聲辨里閨眾眾孤客行
悽悽寸心憚投止謁舍遙欲前老馬汗先路
信通塞人生故汗漫漫涼風耳際刷明星指尖
爛曠觀豈不適靜理吾已按

書衛輝店壁詩後依其韻

底事征塵送遠駝東風無力奈春何開花未必
餘醺了行露生憎馱泥多別寄幽思南浦草
獨留絕唱北山紅箋我亦糊

兀魯特 錫淳 淶砭

名字落拓梁鴻五噫歌

城東泛舟

兩行樹影水中分一片春愁送晚雲
莫向斜陽樓下泊風光
憐殺杜司勳

下第出都留別

但說生公法焉通醉尉訶人情春日薄
歸路落花多
鑄硯誰穿鐵觀碁又爛柯
高堂方食祝喜聽里鳴珂

邯鄲放歌行贈長安賀大月川孝廉光恒

園蔬可樂饑布衣可禦寒何為敝車羸馬來邯鄲
低首下拜
盧生前盧生一夢富貴而神仙
釜中歲月眼底雲煙爽鳩之樂荒流連賀孝廉
吾語子茅屋穩于山詩思清如水弗惜空谷之金玉
乃學公門之桃李
豈知汨沒人海中不在孫山裏

何如曠覽平黃河之奔流太華之屹嶷
狂歌醉倒長安市君不見邯鄲倡買笑千金無人償
有誰為子炊黃梁黃梁未熟青氍毹破長路深宵風雨卧不顧
盧生偕枕頭但願與子登羅浮
上有蝴蝶道遙遊我更目之攬六翮直到七十二峯縹緲之飛樓
人世遭逢那可道吳鉤錦帶且復休既不能如君家老秘監湯沐歸來湖作鑑
猶當如酒泉人中龍漱流枕石開心胷不則如揚子雲默作太元五千文于嗟乎老死章句何足論
安得買春錢十萬王孫不食漂母飯何況紅綾餅與櫻
桃宴

入關

清風送我過潼關吹得霸愁入亂山
仙掌有情擎太華南峰半隱白雲間

呈楊澹人先生盛朝五十韻即送其歸平利

先生大治人藉平利

平脅而曼膚同是弥月誕視內置兩間振囊付一喘歌志積
耄荒護疾辭盧扁身世坐不覆面目滋有醜大治楊夫子新
傳獨幽闡奏功天所權立言吾其勉原夫文字壽戒在精神
散此意永林知會心豈云遠賤子故不敏受業管假館辟耳
五尺童脫穎三寸管篆刻嬉雕蟲竹書肇削簡或哆章句工
輒謂聰明豈天子頗面乙言之笑而莞脫不自啓疆茲豈曰
恒產肆坐春風身載洗秋水眼古琴調渺彈洪鐘聲必滿班耻
為馬同蘇弗屑韓演糞心田知芸曝背日苦短曩者昧肯縻
微子誰導竅烏庠學不講坐是能者鮮六藝久希世八比幾
負販致用非所習有才安得展兼營亂方寸先入為令典即
自愛嘖笑僅可持沃盥濕跡上智移餘兒大夫淺匪無奇節

士擇術寔先科夫子願栖栖高論殊寥寥講易折充宗設天
陌邱衍疇人咬蔬筍嘉有駭昌歎柏岡螻蟻容樹或蚍蜉撼
林撼且側目非笑不吾領竊恐府怨多詎獨知音罕乃歎孤
立難何如一笑遣西子甯久微越溪不自顯宋朝雖云美今
世但求免海錯彼弗珍江瑤吾輒嗽至味苟同嗜曠代亦相
感今視子期眇須從安石緩心事捐有孚趾高良其限弱歸
畢春嫁樓遲終記纂矧得山水娛奚憚林泉伴片雲時可囊
閒門切莫歎所悲在此別斯道將懷卷誰歟由趣詰悽絕經
營慘昌谷苦嘔心少陵殘破膽後素脫青藍苟稽謝鉛槧求
是竟無依徇俗或未敢涼夜見明月流光照清簟漢江水橫
秋秦嶺雲垂阪于嗟移我情苦淚臨歧潛

金貞祐銅印詞

去年得印記以文今系詩

道光丙午十月淳侍官西安得古銅印色黝綠故
金物也廣袤寸三分重十六兩作小篆文曰省差
官字之印背注貞祐三年五月行官禮部造十一
字旁釋篆六小字紐端有上字如今製其背左偏
有文髣髴似水字形畧可辨識其諸字皆若刀劍
削者勁直無意趣疑當時急就之或亦沙磧侵蝕
然也按貞祐為金宣宗年號史載三年宣宗在汴
中都告急上議遣親軍為援宰臣恐行官卑弱乃
止則行官為南京可知金制尚書省佐治省事郎
中一正五品員外郎一正六品六品印以銅方一
寸三分重十六兩又泰和八年勅殿前都檢點司
鑄印以金木水火土五字為號本司差人則給之

司固尚書省屬其為尚書省差遣六品官之印可
知官字無攷或云字記也即今鈴記之義當是年
之五月元師陷中都完顏承暉死永錫諸將將兵
運糧而不救乃命皇太子統師以金鑄撫軍之寶
此六品印或即是時差遣所給與撫軍寶同造於
禮部未可知也皆宋景德二年鑄六字文翰苑印
周益公謂南渡後京百司印無其久者汴太陝千
餘里金迄今越六百年斯印完然獨存女真氏之
鬼神或呵護焉遂記之

銅章省差金故官斷成貞祐宣三年摩挲銅狄同淚潛遺蹟
成敗松楸寒暑時宜哆前古慮乾恩酒含筆腐不見李崇
彪乃見陽冰席隨陸無武絳灌文王網不振幽蘭軒予何言

監金源

贈陽湖周三致甫騰席即送其之蜀

西風動落葉聲聲涼入秋于今乃識子風骨清且道匹夫在
四方壯志輕王侯麻衣豈不貴況茲席屐流其庭前紫荆樹
相依護草花餘慶及子孫和親詒室家所悲在仇別懷君天
之涯去去白雲遙悠悠紅日斜其杜陵老于行抗志比稷契
欲輕好名心未忍千秋絕身後不可見壽世計誠拙回首見
古人吾懷終覲豁其歐陽論古文精神乃垂世事半功維倍
心輕道則棄就大嗤夜蟲追風蹶良驥此事竭吾思聲價非
易易其于時不得志文章輒依人浪得名士名故非真儒真
賈生置弗用感事徒酸辛未聞隆中對誰為席上珍其晉人
好談譚牙慧斯可醜吾輩下乘禪文字縣河口外彊而中乾

不如瓶有守別子勿戚戚贈子以不朽其君今出裛斜蠶最
入蜀道峨嵋青插天劍閣秋容老崎嶇供壯思別離輕少小
勿謂不相見努力兩心了其不知幾年別而能無至言所恨
未盡意與子非弟昆君行挾書攄吾宗佩錦韉他日尋舊盟
含情何復論其

和致甫題金銅印之作次其韻

方頭不識務窮經動十年可憐炊盡青藜煙積書注中哆強
記更向蟠螭問奇字手胝口沫竟何為未必王摘真隸事但
使闕覽挈大綱金石刻劃淳也能鋪張炤朽蟬斷收遺亡不
為家令集中賊獨持書攄延詩敵驥一毛孤千版人生無友
難隻立今遇戴憑况奪席所賴濟時方不負稽古力君不聞虔
州詩人之昌倚經術未登文石陛朱墨誰傳攷異編廢事叅

軍空老矣于嗟乎食古化生不化死萬物一髮天地指

戊申

發甫既走蜀子亦侍官西夏至交關絕愴然于懷作詩寄之

吾輩相逢水面萍吾道相契鹽梅羹論交久鄙翻覆手更遇
何人雙眼青求友十年識周子離情旋付東流水尋常車馬
日月多獨恨參商在知己投我邦士集君昇平即題我銅印許
平生文字遇最奇今日誌之皆夢思賀蘭山雪峨岷雨碧草
綠波憶南浦嘉陵江上泊孤舟受降城下聞戰鼓此時相望
莫相見當時豈知離別苦韻逐西北風吹入君之懷君懷抑
塞不可開臨風痛飲三百杯邇來掾屬良太惡不如掉頭歸
公來即今歸公不為早名場雪淡空顛倒王粲依人可柰何

賈生無用身將老

西夏雜詩十首

舊時雷鼓動刀鐮回樂沙平野幕閒盧管不聞征戍怨邊風
吹定賀蘭山

勃勃空屯黑水兵瀟瀟風雨魏家營
共連三女新承寵一笑真傾統萬城

有唐貞觀仗天戈勒石靈州當凱歌為雪今年安世耻偏師
還戮薛延陀

韓公遠鎮朔方兵烽燧森嚴舊列營
莫向拂雲祠下望鳴沙

高擁受降城

鳴沙洲在靈州南人馬過則沙鳴故名

青官露武奉箋時良娣縫衣為繼師
產子三朝憐愛甚馬嵬誰見上皇悲

古墓猶傳李繼遷西平回鶻數君賢割鮮畜牧佳兒性錦綺
空拋三十年

學府風規久弗如披帷幾見傳昭居不應蕃學宗兔理字畫
蛟鼉大慶書

招討威名范興韓拔茅脫距摠無端權鹽未必民稱便轉說
西羗盡膽寒

鐵騎三千怒未消西郊南面儼臨朝蕃兒父子親親殺帖耳
稱男趙曩霄

灌溉通渠亦有年曲防摠為選青錢但增西夏三中使勝給
流民萬頃田

侍官朔方頗肄武事落落無文字交毓右坪太守科
忽見贈四律詩喜極走筆兩疊其韻報之得八首

策馬賀蘭缺馳驅見在身感懷詩弔古問俗語驚人滿目態
罷侶傷心文字固安能久居此多恐肺生塵

所志悲孤矢山川磧北窮高堂春命酒邊塞而連風心事書
中蠹迹踪雪上鴻曠懷李長吉是處感秋蓬

捫蝨成談癖塗雅說草賢文章空白眼君展過青年送我闕
山月逢君雨雪天黃沙白雲白絕塞本沈傳

官蹟西陵石才名東海何斯真吾道幸不讓古人多相對文
場帥如逢黃巢婆此傳燈錄好將貞觀碣問字重摩挲

一麾君出守早現宰官身傲骨猶憐我名心恐累人可知珠
有淚轉愧壁無因欲賦高軒過才疎耻後塵

狂夫言可擇方朔語非窮試看中興路猶存太古風有君驂
五馬宣化及雙鴻早拓文明治年光類轉蓬

在管除宣府曾聞大守賢龔黃政非古韓孟友忘年筆陳留
沙磧家聲起木天辦香君舊物可與外人傳

天涯忽同調鼎唱亦無何客路朔風起邊城寒月多詠懷如
杜老感事到蓬婆詩舊銅狄今安在吾將著手抄

題畫虬髯公傳

功名挫折英雄氣口首蹇驢走天地三郎乞憐但一妹步兵
幾墮窮途淚世界求事惜勞勞長別衛公飛海艘盡室相贈
如秋毫錙銖得失嗤兒輩大業之間事迷宴攬天飛盡楊花
片風塵湧洞觀文殿可憐簪笏無人見見幾作者髻而冠紫
衣帶帽芙蓉面披面使我拊膺歎陋彼史遷游俠傳階老筭
玳邦之媛蠻夷酋長空思漢

賀蘭石硯歌

邊月淒淒塞雲黑朔風吹裂寒泉石中有海嶽之硯山汨沒
沙場人未識賀蘭山好眉峯碧地肺鉤帶浸芳液黃坑如彼
出端溪青鐵由來重闡國天使文字到異域為產龍巖試松
墨三體當拓篆隸灋諸生勿失歌頌職免絲燕麥空棄擲石
友在旁只歎息大字蹲鴟況復訛新斑麻雀更誰惜筆架之
山似刀刻賀蘭山溪龍下
出紫石名筆架山坐餐蛾綠猶溼嗑隱居十賚乞貞白抱
遺七客一足式曩霄造字或備格吾輩眼界豈宜窄摩挲拳
石轉鳴咽汝生不遇疇什襲

讀陽湖周大令伯恬先生儀暉遺集和其詠物詩四首

尚乞中郎聽求知劇可哀聲音餘變徵廢棄有真才鳳沼誰
珍物龍門已劫灰日邊紅杏好僥倖倚雲栽真桐

翦去吳松水蒼茫落葉秋欲尋王宰蹟難共少文遊墨深知
誰滴雲根向我浮莫教縣破壁坐看不勝愁殘畫
青萍曾長價末路不堪傷肝膽知猶在鋒鏑今已藏故交誰
季子世德憶干將便欲從龍去豐城氣渺茫舊劍
不是知書味淒涼豈到今熒熒孤枕夜負負十年心斷帶情
誰切然揀感莫禁屋梁虛落月猶憶伴寒衾廢藥

題畫

林腰暝色帶新嵐水面斜陽倒影涵一片秋光看不盡神遊
已到大江南

秋望三首

遠嶺帶秋色平疇鋪夕陽囊雲茲匡廬濯足吾滄浪俯仰多
所娛不言心已芳

寓目有佳趣稱心便已歡今茲賞為美未及秋闌干農人待
滌場有獲足饗餐但聞相告語今年渠水寬禾稼既用成豈
復霜露寒

綠野挹戎秀微涼風在衣田水聲未歇夕陽紅已晞西山既
下影煙火迎人歸暮色入遐心悠悠知者希

喜候官楊大令翠巖維屏見訪

久聞楊子心相許今日相逢古剎方不識賀蘭山上月獨留
荀令坐中香論文誰挽江河下作吏君非尺寸長歎息春風
吾又別窮天蠟屐轉沅陽將以來春侍宜沅州

題畫

莫靄劃秋色低徊雲在溪天容日夕靜老樹淒餘暉疑非少
文遊無乃摩詰詩素心既已託青山何處歸

己酉

別翠巖

已恨論交晚忽忽又別離有懷今未暢他日但相思君記同心真全憑沒字碑折腰彭澤令歸矣莫徒悲

侍宦涇州將行得廷大芳字孝廉桂所寄詩途中次韻作答

道路羅日月心緒觸冥茫吳鉤佩錦帶措置殊乖方廬管訴征役長笛悲汨渺渺廣陵散知己勞瘁望前日得君詩使我愁恨長闕覽未及已秣馬方啓行危徑抱白石要言攜青琅載塗目昏眊申紙文洗洋不獸聖俞句敢投楮炫箱方今世太平來享自氏羌戰場刈葵藿烽火銷峻嶒山水娛謝安敬謝君謀臧雞聲振榮舞風勢披襟當蹴霧凌絕巘俯流渡

飛梁所悲古戰壘涼颼颼白楊赤雲擁邛落平蕪荒蓀萋西傾更東折厥民夷爛亡番俗舊跼月行歌新采唐烏鼠管同穴元在渭之將取飲水四出投止林千章峯巒互四匹黍麥為低昂朝食松花飯夕酌嬰粟湯繭足愁子美過眼驚伯強遑肯李良器寔為社稷防元直襲蔡州縶韃師張皇豪俊載震風誰謂俗狂猖代謝有陵替墳壟成邛荒回頭首陽山落日餘蒼涼思古苦按紀潛德沈幽光蠟屐著窮天相彼雁隨易奔景恣應接揮袖摩青蒼羈懷擬遣遇奇律聆歸冒和以君茂著有愧名縹囊西崑工懶祭東拖慙毛嫵鯨生事奔走此事久斂藏在野且騷騷兒武但洗沈憶管共筆研時躋君子堂黃鵠獨遠飛念子何時忘一隨驛路塵不聞令君香願言長相思鑄君于心育夢想見顏色白玉如截肪歲月闊古

歡笑語半猜詳倏忽征雲馳四大何奔忙遑吾天游心奚懼
六鑿攘感君白馬篇足娘陳思王

題陽湖徐清華女史詩集

飛蓬經秋風零落那知道商聲故未已霜露枯百草孤雁託
哀音悲酸令人老寫憂豈在言窮乃出意表聖俞育閨閨吐
吐造物巧

岷州道中二首

北風吹征衣寒冽不出手壯心迫長道驅馬迎之走峻阪聳
千仞詰屈鄙陵阜凍雪凝石堅斲斧冰落肘古幹但蕭瑟僻
壤誰薪樵窮民夾路啼草間棄饑婦悠悠傷我心茫茫如中
酒

晏安戒酖毒行道虞險艱君子一隨遇生寄塗乃寬所悲功

名士逐逐慙考槃同雲鋪平岡雪片麤壓葦石梁著冰勁濯
木驚風乾攬轡瞻四顧悲涼摧心肝

聞喜夜發

寒天沈夜色征路混茫間鞭影留殘月車聲走亂山餘寒知
歲盡歸夢待春還願逐曉風去冷冷吹故關

隘口

鬼斧一劈碎山麓劃然高岸為深谷巨壑鑿險猿猱愁人乃
狡獪穿其腹石梁突兀生雲根地組屈盤過坤軸將兵奪隘
此最奇勝故重表立華轂

韓侯廟

不相侯面相侯背蒯生之言何可畏終假生口加侯罪真王
組綬術羈縻躡足附耳功徇危不須烏盡免死時雲夢就禽

幸則免談兵猶謂多多善利口速禍安得逭當年趙璧奪印
符中霄禁防豈太疎隆準詐與常人殊于嗟英雄不自弭居
常乃差絳灌齒何處能逢赤松子

所樂軒彙卷第三

詩

庚戌

田家詞四首

新田開得雨三畦
恰趁前宵雨一犁
夏日納涼知更早
柳條垂比短牆低
橋板纔撐短竹竿
蛙聲未歇水流寬
殘花幾朵霑新雨
隔入疎籬轉耐看

笠影當風雨乍晴
輕拖兩樹聳肩行
麥秋未到猶閒暇
移得新榆種入城

喜看二麥吐新芒
采采春蔬載滿筐
夜雨纔添渠水綠
午風

兀魯特 錫淳 淶砭

時送菜花香

東坡甫一百韻

客路悲渠劍身謀耻稻梁舊交如子少別恨與年長款款來
佳訊遥遥缺報章望穿千里目思竭九迴腸信遠風傾耳情
深淚滿睚景光增愛惜踪跡倍踉蹌憶昔居關隴知名溢縹
囊紀年逢協洽新詠聽清商密邇忘憂館詹依有美堂伏鷲
今世說鳴鳳古歸昌經籍韋賢守詩編束皙止康成風範畧
任昉月辭詳四姓齊開第三何共擅場鯉庭曾侍養驥步早
騰驤肥譽蓮花幕招遊碎錦坊善交朋麗澤微契道濠梁音
待鍾期賞賢誰子貢方竟遜知己盼遠發鄙人狂是做思模
枋子飛擬頽頽似通丹篆夢學舞白霓震郊島原圭竇督劉
自短牆驚筵雄辯好炙輠小言揚鼎唱傳雙管誰呼舉十觴

長驅名士筆憤挹令君香佳序秋方莫知交樂未央驪歌當
道唱鵲徙遠風翔君更遊西蜀余還走北涼嘉陵汜入畫大
漠月如霜兩地情惆悵孤踪路渺茫沙留邊塞蹟星隱少微
芒隨宦渾靡定遐征又啓行飛龍更作靈秣馬赴氏羌削壁
雷霆走叢林帟豹藏峯巖天以外鳥鼠渭之將種類憐魑魅
馳驅老驢驕飽人餐瘴癘絕國底沱陽溫清娛親舍蕭條泣
客牀牛溲同馬敦地迴接天荒雜糅無知俗飄零絕代芳懷
君從水北祈夢到江鄉忽賜書飛白歌披紙硬黃錦牋光燦
爛華翰淋漓浪得守陳元墨難投楮炫箱蓋習空障翳搔首
願青蒼妙緒頻抽繹衷情費寸量珍奇過木李米擇辱松肪
跡感風中絮歌聞陌上桑深知高節重弥愧秀才康久別猶
相許斯文敢不費宗經為并粟與世掃秕糠此願誠難遂予

懷未忍知言駟國孟齊物漆園莊仲氏求無倦徐公合有
常拾羞牙齒慧能在骨筋強瑤瑟騰孤響雲璈按八琅雁聲
悽紫塞鶴唳慘青岡落日鴉舒背清渠鷺弄吭乘風期破浪
灌雪怕投湯文境重經改名心六鑿攘微探中曲折敢事語
張皇郵莫通敎浩文虛寄德璋無因鼎尺素何以報繅綢改
歲春官試齋程遠道糧計偕仍袞袞行步轉依依誰愛才如
命吾嗟少不颺盤根輸利器裏豆絆名韁駭策金門裏陳詞
棘舍菊司衡高薦擢字句賞沈洋畫貢丹青引仙升紫翠房
奮飛凌燕雀見詠鱗魴賈餗何曾負劉蕡祇自傷不林甘
能耗彼美有姬姜流派韓歐尚追迹籍湜僵狀頭聞喚鄭舉
首莫窺王張倬經叅佛枚舉賤類倡紅箋他有擢白蠟我無
尤棄置如遺跡生涯欲賣漿乞憐嗤忸怩急走肆狂勦興減

拋書帙愁來割劍銑窮途羸馬頓積債繆袍償思伯心成瘕
憐卿性嗜瘡黃泥蘇二客綠水屈三湘良友傳芳柬新詩叶
草塘論文悲李白介紹倩劉郎寄書為劉子岳孫山落貧真范
孝廉達善井當醉仙眠市肆神女隱高唐伐斫戕吳桂按求失蜀薑命
逢才退避學儒意徜徉古道安能復時風弗可望元和當日
體天寶末年妝管耻班窺豹官嫌胃爛羊不遭青眼願誰識
白眉良所願相敎品終期勿怠遑千尋窺臣海百折鍊真剛
誠信開金石盟言矢佩纓但教絲莫染那畏父如張水止神
當監川流口慎防惆悵紫杰束贈舍逾青棠望早穿雲棧情
毋限海航別君今四載怕奏鳳求凰

詠史四首

侍官大
名府作

治務在無為清靜有汲黯功名耀篇籍當時及者罕此豈可

盡信附會任執簡長孺古慙臣才不下子產大指與大體樹
立能恢遠宜必老閭內稱病卧上簞西京重黃老輒以談貴
顯替衆治濟國乃曰膠西善斂膝坐終日中興屬陶侃讀書
辭害意經濟斯不展

經術誤蒼生動責王介甫泥滯而偏宕京房乃更古穴異說
偶驗僥倖居王所危言悚帝聽軒張為怨府時若誅石顯以
房代其組攷功灋再新恐與青苗伍魏郡既被放謫書猶上
讀牴羊首觸藩殺身彼有取不見魏高允指厯口無語管輅
不言易所以愧儒堅

栢栢南將軍凜凜崇氣節乞師泗州城斷指淋漓血伊古申
包胥寔能興楚滅痛哭賦無衣異邦感所切賀蘭具食樂睢
陽援乃絕浮高旣半箭遺恨誰忍說堂堂九節度相州師敗

績河陽僅一勝光弼瘁餘力巡遠遮江淮安能持不敵不用
蟻子援雙廟更卓卓獨成南八烈吾與進明黠

唐室昧進止罷贊相延齡直臣豈寡寡抗疏惟陽城咄咄張
萬福攘臂頌太平讀史便大快謂可秉國成掩卷重忤性乃
復悲填膺老將獨稱賀未聞餘者謦惡陸而阿裴陰愒誰敢
聲朱虛斬亡酒氣概古所珍

侍宦徐州見孫大心仿明經進第二首

平生浪跡馳秦隴踏破邊陲萬里沙身世悲歌餘道路淮徐
風景又天涯眼中遠岫橫秋氣城上晴帆落晚霞興廢不堪
重吊古登樓獨數雁行斜

一時高步張天驕千載詩情燕子樓到此何勝前代感逢君
竟與古人傳尋常車馬聽今雨新爽湖山送晚秋老眼試依

江渚望有誰笑傲託滄洲

古蹟五首

以遊之次
第為先後

放鶴亭

庚戌八月月之杪錫子始遊放鶴亭熙甯遺址恣俛仰翫然
千載通精靈兩嶺四合闢一面此亭對之空能局曾臺結構
獨屹立群巒奔湊爭來庭我始自下上未半直視不踰卽與
陵躋頂一顧乃稱絕勢如巨海吞長鯨奇士未顯人所輕紛
紛莫莫疇鑑衡縞節弗屑聽衆過茲山稱是須階升高廟
摘署賞識持亭中多高宗御書拔擢絕與賢才并是時本葉猶送青恠
石砰礚苔痕凝連朝疎雨忽半晴秋氣劃然橫窗櫺大河西
來帶其左斜陽盪波騰尤晶雲龍山人山得名放鶴招鶴遊
青冥憤王戲馬但下走有臺豈具茲模型呼吸欲接子瞻子

黃茅狂醉無人曾

戲馬臺

當時戲馬土一杯誰其駢策空驛驢重腫兵灋不竟學武備
豈不闕弗倚垂死潰圍廿八騎漢廷壯士良非傳文臣載筆
畧技擊表見乃避生之艱雄姿猛氣久寂寞曾臺平地餘荒
邛方今黃水東流盡洗甲兵調金甌部曲未聞擊刁斗功
名何必來兜鍪平原孤兔逸林隈雕弓不堅手不柔安用將
軍歟野雉名聲五色翔城頭士卒如鬼躍水潦狼貪虜猛將
焉求戲馬故址渺不見聞指城凹燕子樓

亞父塚

七十布衣項所寄奇計但能銷楚氣後人醜詆不遺力可憐
尺蠖無能伸嗜啞叱咤誰可馴此豈有柄能施仁事君從意

甚從今明允卓論堪解紛景略早相桓司馬其能展不同符
秦臭水不契出山速擇君差愧韓王孫墓中寶劍橫苔紋元
應初有盜發墓得古劍一事血痕髣髴生時吞白楊蕭颯蒼煙昏亂石激雨淒
鄰似刺有玉屑出邱墳墓中多玉屑色衰寸許角四孔至今雨後輒振得之或云當年飾絳袍
玉斗撞破且不惜此物奚致神其瞋高義等齊鍾離昧搗貳
耻伍當陽君

黃樓

黃樓舊構不可知今也輪奐毋六庠大河近逼俯城角隄高
日築樓為低登樓凝眺安所視沙壘剝施遮雲栖眺之不見
轉昏眊思古未遑空淒其太白死後此樂希斯言吾為蘇髯
危後生脫越七百載滄桑豈汝能防維可憐猶存藥城碑猶
據陟剝陰果愚手摸夜閣遽知妙中郎技絕吾難追洪源巨

輪跨樞桶隄防聳峻天齊窺坐令兩公像寂寞樓設文忠文定像神儻
來格愁低眉百步洪南望久隔華墨題石湮流漸附會古人
予宜敢作詩紀寔徵來茲

燕子樓

燕子樓今非舊址城南十月餘寒水芳蕤不馥鮮蓀枯斜陽
冷墮山谷裏劍履塵埋紅袖死餘姿慘淒悲風飄豈有青泥
污雪毫何曾古井波瀾起當時賓佐推韓子就暖衾寒走還
迤邐場壯士散知煙黃金城眉委泥滓十年方面老尚書可
憐盼盼獨知已月鉤欹側河之埃星光半露山岷嶠鴻雁噉
落正南下玉簫瑤瑟哀聲擬歸來更憶香山詩沈吟未半滋
歡歎

予以金貞祐銅印記徵詩徐州潘康浦孺襄言與卿

啓方劉香南

紹曾馮玉溪調鼎四廣文孫心仿明經

一時皆有作與卿詩多所釐正尤可感也因次韵作

謝並示諸君子

吾不擅攷據摭紹弗忒矧以古遺文積畫認篆刻洛誦腹
故枵詹明目遺物菲枕聊復尔汗漫筆端舌撐犂詎可辨妃
稀儻未識年少坐太廡朱舁貧乃未闕覽滋毋廣吮墨橐倏
脫蹄沔與螢尾安敢自揮斥帳簿課所司甲乙笑秦扶諸君
集翰數雲局徑早別言子更卓礫稽古絲髮決愧君餐飲久
頗恨未食鼈肉譜守素通爭長堅膝薜子嗟士風靡直道久
淪沒標榜耿嚴虛瑾瑜昧瑕匿求友十餘年車馬浪轍跡綠
幘襲傳講機辨只應醉甲第梁肉厭惡詩或准勅詹彼著作
林帚屐太吾逼馭漆恣搖解其能永弗滅逢君文場即兩手

遽加額前讀河運說

君著有膠萊河運圖說二十二卷

忠誠性有血蒿目挫弱饑黔

首感肉骨權書陳治安循吏等幾被吾知屈宋太早名京兆
笏區區斯相書豈罄燕許筆滑疑匪能耀憤排君任德微茫
古人心抗懷增歎息

題潘廣文自繪儒釋道三像

吾骨自振豎盥頤匪能透牽率坐貫資擁塞職殷霜後形但
誑謔齊物昧悲兇選穴容頭倭屏失夾叵執一謂其鑿鑿大
千駭不衷厥能行無輩此風茲颺颺吐吐潘廣文淮徐忻始
遘才兼狹三絕識洞穿萬漏所慨在偶旅齒函足相蹂作繪
昔闕覽現身先衆皴九流故無滯釋道列儒後澤熱河漢沒
鳥飛康鹿驟變化豈不成精神安敢寇矧彼具文義旣經蘆
簡收禁架與柰園道或時吾湊觀我形丹青斯理揭餐桓淳

迺重并性展卷忽發覆黯黯世所昧無俚誰勸有抱食餒犬
鷄故紙任熟揉撐犁恣散散認詞同心臭有如甄珍駕轉張
蹠猱狄百城上未半縣布絕而什有如繼詞原雲局爭結構
思慮涸既乾育鞠賈莫售其或託以逃索行獨集詒而君願
衆出巧脫英雄聲情任用不羈見微肆弗稍通體此通仇奉
浹泯授受神霸游沈洋偏官謬僞僣量中美且數殮餘味久
漚厥惟止衆止迺罔后所后暫霸畫有神趨好態癯瘦罔兩
影則一人我相胥壽微契在澹澈真精遽騰門愚者以為覺
高風耐控漱黠闇吾豈甘訛筆發清奏

題鍾朗山瑤河梁懷遠昌五首

不盡相思苦青青著柳條歸來莫攀折生恐是魂銷
河梁徒步歸極目遠山缺弱柳挂斜陽相看兩愁絕

暮色退林杪山園月上遲清輝隔千里誰與寄相思
朝歌楊柳枝莫喚楊柳渡不悔別離多悔近河干住
盈盈河上水渺渺隔山陂不覺悲風至蒼茫獨立時

仇實父山水卷為童八拜臣爾夔賦

十洲盛年遽凋落至今遺蹟空叩壑對之怡曠感人意春水
浮空天漠漠煙花三月如水流撥開空翠盡扁舟可憐一片
吳松水天涯夢斷誰家子童侯攜此驚溪絹下江好識廬山
面我恰北行慣別離回首江南隔雲棧拜臣實母將南下子
且待宦北走津門玉樓春
色五湖天實父有玉
樓春色色囊雲誰更訪塵仙與君再訂他年約同載
揚州月一松

津門道中

驪唱何時已長途百感侵霜寒凝曉日雲凍止空林老馬鞭

無力荒邨酒罷斟
羈愁渾未歇
惟憐故園心

道中寄孫明經

時侍宦之盛堂

羊公之鶴安能舞
平生慙愧劉遵祖
作賦豈如庾開府
大畧不在陳同甫
獨遊秦晉走齊魯
于嗟扁屐何足數
徐州明經輒相許
鯁生對之汗如雨
竭來北行生別離
馬頭殘雪寒風颼
明經明經吾何之
嶧山之側汶之湄
行行東尋滄海涯
道路歧之又有岐
流水高山彈者誰
祝君不朽君莫辭
江南問訊寒梅枝

林文忠公輓詩六首

輓歌哀響遽堪論
腸斷霧轡泣舊恩
未作生徒隨馬帳
尋增聲價在龍門
望偏溢分寸難造學
待肅知淚已吞
八百孤寒餘痛哭
巫陽下詔速天閨

龍沙萬里徂西涼
曾近高軒賦短章
絕域功名悲定遠
眉山

父子託歐陽

壬寅夏公茂遷家君官西安參將始以澤見公

何堪摠帥虛前席
豈止斯文有

辨香死報難消知
已恨一門揮淚哭青蒼

八瀆空悲長史師

公口講指畫授澤以書

清臣衣鉢畫沙雖才兼
謙傳原非

奕淚墮羊公但有碑
敢棄菲林甘草澤那堪
冷月墜梁思焦

桐當日承按采恨未彈
成絕妙詞

猶記征西五路兵
萑苻掃盡馬蹏輕
無才獨愧蓮花幕

已公入關攝

總督印劄書澤為得奏章

有制曾觀細柳營
他日天仙餘斷碣
祇今邊月冷荒

城百年一刼英雄淚
何處終軍更請纓

蒲輪再遣璽書頒
盡瘁餘年病力孱
充國欲降都尉伏

波遺恨武陵蠻
旌旄慘澹凝寒日
裘帶飄零別故山
為哭

三朝恩澤重肅庸
誰共濟時艱

百感交縈寄苦吟哀辭未敢託知音
陳功績書難罄虛負陶鎔勸最深
食少事繁千古恨集思廣益一生心
夜臺寂寞從何說肝膽伊誰扣劍鐔

辛亥

擬古四首

積懷不可遣白日忽已長
豈不惜歲華揮戈嘆魯陽
復彈慘東瑟短曲悲西涼
縣僻在握中云何知其臧
狹路逢華蓋意氣如雲翔
談笑兩相棄翹思獨徜徉
屯邅古以然此中何由昌

浮雲若車蓋亭亭游太虛
飄風信所託倏忽天之隅
譬彼飲河鼠滿腹不顧餘
榮華惜春媚晚節徒啼嗷
拜寔嚴君平記業何其迂

颺沓影華纓咄咄多憂患
繁慮一時積慷慨託染翰
長風空際來磬嗽渡鳴雁
悲吟從中起倉卒不可按
沈憂故難解何用告親弗

春雨宿林趾生意滋柔條
天澤霑且足膏及東山苗
邃谷鬱松柏歲寒常不凋
芳蕤及時發顧之意乃消
譬彼五柳君耻折彭澤魯
馮唐未白首誰謂不見招

咸豐元年春觀海不及涯岸而返有作四十韻

重光歲啟觀海恣遙矚
失風割面赭濛濛決背綠
晞易澄光鼎鹹潮互洄
狀沮如既涇下涯疾難
趲起在筭播東瀕剔河
禹乘輦豁瀆灑沈蕃泥
濘走坤軸蕩蕩水所歸
愉愉民共服漢書妙罕
譬監取千秋錄百川宿
溟津搏桑日出浴導原
天藻流落際無底谷波
臣中道呼譁甚大壑逐
珠玉起互揚

肯分擯之連鱗鈞耀采文井琳紛躑躅本自無東西安能校
斗斛側聞融天山大荒中矗矗倚重契元冥資治同岳牧溟
濤淼弗見南望力竭目廓氛西維清息波千載福不吹颶母
來那有鮫人哭十洲駭聽聞三神哆符籙蜩像等秘恠蜃氣
測起伏腐遭史病夸本華賦恥讀賤子罷行役遠道敕車輻
寫佃與交鄉舍舟而就陸蚤歲華山行曾切封人祝嶸岼落
雁峯望之不散蹴東經滄湄詎足抵一粟譬抱鴻鵠志莫
廁鳳凰族何日引樓航遐觀馳體舳臣更驟大蛟霸旗雜紅
轟瑤島蓬萊樓洞宮珊瑚築仙寰衆豈託素願吾儂豈便許
東溟臣竊銜西山木涓涓意則微所志或不辱望洋嘆渤滴
陟厲曉卑薄石立橋未成波駭雲莫屬龜語頗自知鯨飛更
誰促脫然策馬歸春寒入豹燠攬轡重回首低徊悵復當

年龍川島八駿養周穆

楊柳枝詞三首

陌頭春晚苦相思淺綠遲遲上柳枝莫是張郎偏閤筆畫眉
愛看未成時

隄上風多懶折腰新枝力弱不勝嬌那堪攀取添春恨又惹
遊人過板橋

金絲著處捻嬌柔軟碧搖煙怨未休恠底行人浪攀折平生
只解送春愁

憶舊行

羣屐當年金翠飾既遊關西走磧北醉揮寶劍割霜痕夜獵
平沙馳月色是時壯心不能控文采受擬雲間鳳杜子狂歌
筆有神惠連好句詩生夢汗漫年華回屈指浮名慣逐東流

水是非待覺轉淒清得失無端難悲喜邊障傳聞羽檄來將軍哭戰陣雲開眼有人執江淹筆欲取修期露布回

哀病馬

羸馬伏櫪似憂懷歌側四蹄不能騾汗血當年騁西北時平駁骨埋亦甘非然哀病且心慙天駟日來渥洼水看尔騰驤待誰使

懷人詩五首

吾師武昌楊落拓在秦隴受徒博一醉風骨頗不重酒家難
晝眠能接柳下踵文章乃恣肆倚馬才發洩邊幅所弗修莫
受公卿寵嘗上五陵原陳辭弔荒塚絕詣古今憐健筆鬼神
悚頭年返漢陽道遠杳問壑波濤慣狎暱得無舟楫恐伊誰
載酒進執紼傍叩隴錢硯漱維翰辭香憶曾輩大治楊漢人感朝

陽湖有周子識學兼人豪侍官歷三輔失怙飄泊遭依人寄
筆硯八口常嗒嗒京兆試再黜歸伏江之皋生才匪易易造
物甯徒勞挫折不遺力無乃夸甄陶近聞賈維揚乃學析秋
毫擇術宜弗慎所悲食指撓渺渺大江南風波莫可艘斯文
江河下誰與持風騷祝勿委草莽英雄名焉久韜于嗟范睢寒
須賈慚綈袍陽湖周致甫騰虎

錢塘陳卓廬其才非百里作令張掖郡亨鮮免戲耳刻意暢
高文抗席昌黎子似聞鬼神泣呼吸取其髓盛名所頌洞儕
輩盡破靡弗忍善刀歲譽極乃生毀而況揚與班本非卓茂
比相知念疇昔論文不吾嘗問奇豁秘奧叩拜互悲喜茫茫
宦海中群溺誰獨起立言信不朽此固善於彼錢塘陳卓廬
中衛楊大令曾系閩候官西夏俗惱淫宰之民社安云何東

海治沒黯乃挂冠淵明一卷詩五斗非其干抗心跨唐宋舉
筆推波瀾曾年與君友新詩時一看微契歟而異談論常肩
攢直言辱相勗披豁知心肝賤子苦不脩連歲疲征輦南望
更惻惻穿眼白雲端尺書不可寄歸雁聲淒酸侯官楊翠巖雜屏
太歲徂彭城乃識孫心仿六十老明經不第心怏怏其詩老
橫絕臂與蘇聃攘歲積學則遽游壯見能廣曾泊大江南抗
言發孤響吳會少年子半自扼其吭辱命序君集懷愧至今
想相許一何厚忘年託吾黨黃河奔到徐一折勢雄莽君才
無乃似鬱積成獨往况彼張天驕高風衆所仰銅山孫心仿運錦

讀王次回集二首

實父丹青次回集浮生潦倒累心酸幾多詩債枯腸索為有
癡情熱血乾短笛哀音斑竹淚小窗春夢落花殘屈吟賈賦

當年恨不似秦箏合女彈

半世牢愁粉黛中韓溫接踵亦宗工齒牙餘慧何曾拾皮骨
猶存未足窮紅袖拂詩原風分青衿寫恨豈淫風可憐末路
無知己載酒江湖顚轉蓬

弄潮曲

海門飛來白鷺濤沙堆卷雪銀山高天河倒激風側翹前水
後水紛相遭潮神翩翩弄奇態月光搖盞星斗碎乘舩逐月
不能洵回首清輝滿舩載

得發甫書却寄

念子何時已悠悠百慮侵狂添經世策愁斂著書心君豈池
中物誰知海上槩江南隔秋水况有白雲深

七夕詞

美人望眼穿銀河坐寒玉臂潛香羅月鉤斜墜白雲斂澹澹
雙星看不見庭梧葉落涼風颭秋思傷人知未知

東靈大介肩壽

男兒事業君知否文筆雕龍武功狗吳鉤錦帶少年場不共
家人算簪斗前日故鄉翦窗燭振衣又唱驪駒曲聞君未列
御宸名一命頭銜尚難復君以筆帖式生父負庫款削職改元得免所負者猶未復其官可憐謝安不
能識愛士疇為極伊哭酒酣放歌欲向誰有志慎莫泥塗辱
吾鄉騎鯨功名重憤佩雙鞭分席竹投筆班生在識時勿耻
絳灌阿隨陸苗蠻興戎近翻覆望眼捷書走紅纛嚴秋寶劍
霜色寒肝膽惟君早珍勛

所樂軒臺卷第四

詩

壬子

元日六首

三十無名可奈何回頭歲月儘消磨
世情未熟難通俗文字相輕敢放歌
顏弱漫窺郡忌鏡心癡待挽魯陽戈
眼中落落思知己車馬尋常日幾過

頌喜高堂康健甚身謀無計轉皇然
可將顯達後人顧豈有文章乞世憐
養志原非萊子舞宥懷誰贈祖生鞭
衆仙又譜霓裳曲說是開成第二年
敢請枚皋賦類倡此中甘苦竊微嘗
求醫安得三年艾無本

兀魯特 錫淳 淥砭

休夸一瓣香名譽來時情轉恡是非覺後悔偏長如何畫唐
難形似猶搨蘭亭紙硬黃

未曾角酒與爭碁寂寞光陰少小時索索有誰能共語茫茫
何處著相思聽歌敢薄周公瑾浪跡微啜杜牧之不信龍標

高格調旗亭壁上始言詩

幸有延年却病方無端搆疾費思量予適以步頭傷股月餘折臂未必如陶

令傷股云何類宋襄柳骨顏筋全虐用郊寒島瘦只踈狂幽
并游俠雄恢甚聞道尋春試馬忙

班生投筆真豪舉吾輩青氊坐幾時為格有苗曾舞羽似聞
猛士已搃旗出師君子能貞吉說夢空言摠病癡四海承平
諸將在不須載詠少陵詩

讀史十六首

孺子分社肉自謂天下宰此言吾不然史家互欺紿淮陰出
袴下顏弱口則餒英雄未遇時斯不攷文采吾愛唐張鎬廷
諍悚朝案平居乃純嘏尊酒銷傀儡

劉淵博經史善斂力如唐隨陸與絳灌合并有文志子聰能
述作猿臂似乃父曜亦好讀書洞鐵箭沒羽氣脉所感通隳
括如設矩面命言提耳瞠視乃無睹不見三蘇文鼻孔同相
相

荀淋育八龍兼兼侈華族淋也朗陵侯自餘皆雌伏空譽或
違實范滂言之燭而彼標榜徒摩肩與擊轂鉤黨三百人孤
寒齊下獄草野名士多乃非天下福

元魏立太子其母何太苦賜死忍則為作俑在漢武燕噲禪
子之五代迭相侮衮衣濺刀血必曰格文祖承救隨與唐誤

者堯舜禹乃知穿鑿家澹古甚蔑古

何晏粉白手願影乞人憐鄧颺立傾倚臨風楊柳偏工媚歌
康樂跬步扶乃前蜀帽小危腦大則覆其肩轟轟裏尖巾如
錐囊上穿鳥屣物欲救矯揉以為賢況彼毛嫱美鳥飛魚沈
淵不得照膽鏡誰辨姱與妍

士生每抱恨知己恨乃已以吾觀古人感恩勝知己子雲悲
投閣中郎滋噓啼卓卓班孟堅外戚乞朱紫臭味豈必同恩
至身並死太白流夜郎寔為李璘使君子鑒斯禍方寸寒于
水

羊氏晉惠后改節事劉曜毛后能死難符秦毋炳耀典午罷
生徒廢不脩孔廟拓跋索書籍博士奉明詔為善無方隅日
月同所照況彼將相種豈有獨承脰

南北士大夫古人輒自比劉湛管葛徒崔浩留侯齒而浩之
所誤乃在赤松子其先能研經佛老斥不喜自受冠謙術靈
惑伊何底是學避穀為一變始及此桓元得皇甫充隱跡高
士膠柱而鼓瑟舍豈以為履

文正一筆勾富公乃面諍一家一路哭上者持其柄須知富
公言欲其思之更詎猶姑息為狎翫懦水性而彼手揮毫亦
早心握鏡酷殘豈所習草菅斃民命王賀活千人縱盜非善
政

朝廷喜慶事方享太平樂小民乃號咷老稚填溝壑生日為
千秋明皇一何虐殷教四海訖自督重木鐸詩書賜吐蕃機
械轉難約其事雖不同其意等鑄錯所以無為治上古風澹
泊

吾愛晉袁甫自請為劇縣錦繡稻為蓋違寔非所羨後世多
抱負稷契輒矜銜真才不可呈徒自醜于面炫蟲賦形醜無
取嚴清嘖黃霸州郡名為相乃不見

蔣琬與龐統均非百里才當時脫不用老死埋草萊而彼未
遇時未聞心傷推乃知不平鳴器局少雄恢

所惡攻異端銷鑠喪天性不見梁武帝建國操大柄捨身同
泰寺始自諄其行廢禮薄宗廟黷武輕民命敕書拒諫臣刻
薄語鑿硬前後判兩人得天豈不正資稟莫可恃知止在有
定性近習則遠克念狂斯聖

奇節震異域千載義聲應前有顏與韓鄭公與之稱史傳鼎
三足以外無可證惜哉使金源不命李忠定

趙宋有奇卜陳東與陳亮士氣所鬱勃可做漢唐上苟非政

術乘豈能義殷唱此輩偶然出史冊顧弗尚武氏讀檄文所
以咎宰相

張耒責邵吉不能薦馭吏馭吏無他能豈當宰相意不觀漢
魯夫口辯最便利脫非釋之言起邊乃不次齒牙喋喋為淳
于能強記況彼奔走徒庸足躡高位目聰所聞達有功在明
試君子辱小知吉士耻側媚龍門衆雖託其選必大器未聞
阿君好桐葉封婦寺

讌集觀五師舟妹丈祐所席間師舟得律詩作豪放
語天籟不可及也次韻勗之

不羨瓜浮羨李洸讀書深在性情深參禪豈拒當

金憑抱膝吟錯節盤根虞詡器春暉寸草孟郊心盼君待作
乘軒鶴他日無忘支道林

送武進劉三子迎同年達善下第南歸兼寄弢甫
常州季子同歲生十年相知不勝情今年春莫始相見又唱
驪駒腸斷聲人生離合水際萍所悲吾道成飄零矧茲文字
無重輕屈原失志離騷經即今送子我亦忝光芒闊絕參商
星祝君有辭君且聽庶人議道天所矜此時樹立在庠校汪
南有人吾眼青吾宗蒙古重騎射授以書籍瞑雙睛枕晉莊
史不竟學對君無乃感愧并維揚返棹語弢甫賤子待官仍
梁城梁城瀕海三十里君輩跨鶴吾騎鯨前歲曾游放鶴亭
眼穿白雲呼不應南枝北風重行行抽刀斷水予安能劉郎
艱止甚非偶他日同尋車笠盟

湯興四首

包火持衣捕虜羅解人難索恨人多眾憐填海猶銜石那有

登山即爛柯杜衍似曾知不可誰安待出便如何事機誤後
成遺憾望眼桑榆信恐訛

經世無才膽力微物情頗與寸心違河干兵甲原能洗天上
將軍竟不飛左次丈人猶失律南征方牀幾來威權書有策
憑誰達李喝于今恐嫁非

不禁痛哭賈長沙恠異紛騰石押衙滿腹似聞河飲鼠傷心
幾見螫蛇無銅馬援難為柱背水張騫敢泛槎翻有青門
老農圃閒閒學種邵平瓜

轉移推轂幾時休聞外何人克壯猶豈有罪條憑觴觸更無
軍灋講編劉蠻煙蛋雨昏京觀湘水君山泣楚囚幸道賈琮
來未晚肅功待錫九花蚪

歲莫侍宦古北口有作一百韻

聖清守四夸在惠不在險防禦古人重迺獨特習坎淳未古

北口登山縱一覽邊城互繚曲峻極北門管關峒一十八四鎮

志古北口路關峒一十八東自盧家安峒西底峒谷峒延袤九十五里延袤胥設版喜峯與獨石居庸共屏

掩白河襟其右潮水如帶綰犄角石匣營保障舊絲繭爰稽

古兵事戰伐故弗藏漢唐摠遐邇年湮置莫辨李晉劉光濬

敗隘踞嶮棧太平興國時置戍計誠善遼始取山南于是首

道窳女真入關初林牙此脫免關將有瑄楚破遼功蓋斯宗

翰會舍音遇伏乃喪膽侵掠蘇魯克偏師將幹罕萬戶溫特

井敗北面目覩布希入燕京得僞攻塔窩泰和五年秋築城

東陘金志泰和五年八月築古北口東陘二城大安再屯兵是用奎騰遣元初李伯祐

撫軍勤畧遠親軍檀順來厥若婦庸闕平章塔齊爾烏道履

能坦薩里河川捷不績至和顯文宗方踐祚唐勢屯岡隲薩

敵援石稽天厯外侮殄却特武功燦九邊聲納款泊乎遼興

松偏安尚緒續有明徐武甯偉烈茲始展唐開山集古北口城雄嶺山頂徐武甯西經略

巔真雄雉堞遺規猶在眼燕王襲迤都用命屬索難何畧塞口

明成祖寔錄永樂八年正月塞古北口小關及大關外門僅通人一騎示弱豈不難宏治王宗彝按形審

防檢嗣虞和碩役新營兵載點延及嘉靖中諸達竟入犯七

舍底京師長駟支露峴楊博叔橫城野豬嶺巘嵯國威屢挫

折莫北弛局鍵守禦先千戶後更參將選明洪武十一年五守禦千戶而三十年改密雲後衛

後以參將二人守之以視幹鷄族母乃將才短我朝天下家率俾頌清晏

朔漠隸畿輔牛疆壹訓典龍興設都司提督改特簡順治初設都司康熙

三十二年移提督駐劄牛關空陣雲安堵金溝館瞭望熄烽燧將帥牀息偃

馬蹏山絕響朔風久旗卷大師矧維垣吏勤不敢飯飯即哆屏

翰固長城已莫撼廟畫更寬大謂唯德清湛高宗紀宸

章襄訓永垂範邊牆門跨水雨漲勢激反庚寅越辛卯再築

再傾堰肆命母脩葺順性止汜濫高宗古北口御製詩註潮河穿水門入

委之委之不聞老王谷流溢鐵門相金史五行志貞祐二年六月潮河白洪鍾鑿元

渠所議愧茲穩方輿紀要元德撫洪鍾鑿以古北口東臺雖改作匪日彊

國圈用是二百祀士卒但高枕路馬輒遠牧田地且耕墾劍

戟器利農經費滋節搏又自遼統和征稅坐民謹使使鞠貪

冒按罪詔勿逭遼史統和四年十二月以古北元明既承救侵魚政未減定鼎

罷推司古北口不設推司置稅制也商旅來恐緩聖德所流播遐陬

街感伏憶乾嘉前經歲嘗狩獮蹕路必蒞是父老逐畦史山

光交水聲送喜隨玉輦吉日升大阜鳥獸正毛毳干城公尔

侯雕弓引月滿犯兕獻小大攫虎噬鮑犬葭茁發五田獲

狐無算游獵庸足多兵灋此早辨文臣職歌頌賡詩動盈卷

迄今關內外述之言譽譽慨然思昇平竟使淳生晚此地久

寂寞誰與行迹蹊凹凸疊枝峯鹿走場町墮雪片太空落雲

凍鵬翎散野雉朝夕飛掠影晞陽捺指點空心臺亂山入斜

眄抗懷臧少保往蹟經營慘昌平山水記古北口臺墩周繡甲雜花樓

湯若士詩新穿繡甲花威靈白旄閃自非軍容肅何以膺專閫今管

感何極封侯幾虎領楚氣惡已盈貪功願未敢顏高競傳弓

茅經井入胥于思棄甲復腹睹目其睥睨推轂載轉移未卜釐

圭瓚望眼穿南服于嗟腸寸斷坐令填溝壑老羸葬兵燹當

年王夷甫豈曰任非泰蒼生將如何安石甯好遜擊檄遂無

人遷尔丈夫淺淳也待宦游蹤跡秋蓬轉聞見鬱耳目道迴

征愁黯維今渺四顧怛悲母限寒日墮壯心山盡雲黯黯

狂吟安所託臨風獨淚潛時則壬子冬涂月歲將餞

癸丑

毓太守右坪寄示近作分題貧病悶懶醉五字得三十首寫憂感事不獨太守然也奉和五首却寄

羣展翩翩也患貧閭閻何術遣窮神眼看踏破三千履心計按空十萬緒未鑄錯時人貢鐵到飛錢處馬揚塵相如四壁今無恙曾買臨邛自在春貧

島瘦郊寒願愜癡平生痼疾寸心知昌陽多事增人壽和緩無才豈國醫形穢玉恭春月柳口乾馮衍夜光芝離魂倩女盈盈骨怕對妝臺學畫眉病

煨芋無由覓懶殘萬緣寂寞兩眉攢傷懷春日人情薄凝恨斜陽獨語難莫惜朝欵歸負負雲愁海思闊漫漫書空自古悲殷浩寤寐同誰賤考槃問

浮雲片片思悠悠非想誰從幻境求載路告疲周八駿績功歌謠李千牛牧皮無志成狂士雍齒何能望列侯見說諸公好騰達不闕心處不爭籌懶

未曾昏飲偏成醉醉到心頭轉易醺春夢難醒蘇內翰夜遊不見李將軍儻教酒力配千日誰惜韶光減十分狂藥啖餘狂睡飽豈知過眼有煙雲醉

古北雜詩三首

勺藥春時金帶圍耒槐夏綠陰肥山場五月晴兼雨日氣雲光亂翠微

風卷河聲五月寒邊牆凸凹起峯巒寫來但有蒙恬筆猶作秦皇舊日看

朔風夜半起碣樓吹徹山城五月初畢竟挽河輸壯士潮河

到此不東流

河遠山而西

驟雨同師舟賦

亂峯出沒層陰轉一瞥蒼茫落熒昏風噪無聲凝雨氣電飛有力劃雲痕天將洗甲河傾水山欲留人翠閉門對客正陳虞寄頌愁霖賦好散同論

登古北口城樓

雷霆儻自威南國鎖鑰何勞禁北門安土百年今赤子和親萬里古烏孫長城委宛龍蛇走絕壁巉巖虎豹蹲聞道藩臣新拜命內盟金鼓到河屯

即席和師舟韻

碁磬未歇漏聲殘夜氣瀟瀟漫畫闌正是斜風疎雨後溼雲穿破月光寒

眼前

急水挾風橫蹴石斜陽隔雨倒穿雲眼前奇態誰能寫愁殺當時鄭廣文

懷介眉

有志君奇士而今忽欲然繞朝空贈策祖逖竟投鞭思子心成痼勞人骨不仙西山回首處惆悵暮雲天

秋深

鴻雁歸來送遠音感懷容易到秋深勞形為洩倉生怒飲恨能消烈士心不見良醫甘護疾怕成哀響散狂吟邊城九月涼風起何處蕭蕭暮夜砧

雜詩二首

風雨綠何下筆驚為拋愁思在山城杜陵秋興無人識付與

蕭蕭落葉聲

平時弓箭不懸臂何處官軍許
厭潮昨夜邊風新入塞三千
鐵甲渡天驕

不到

逐日揮戈日未西自非英物但哀啼
長塗誰識孫陽馬中夜
曾聞祖遜雞吾黨有人身可待
他年見子首甘低封侯萬戶
尋常事不到龍門孰品題

楊業墓

楊業禽王旆走援兵不在陳家口
可憐無分爲功狗潘將軍
爾何人輕進如瞽形置業死地何
不仁輕進喪師滋可耻況
復臨陳不敢死曳兵棄甲大旗靡
又或老師莫能起謠言持
重胡爲尔不知何顏對潘美業也
聞之恨駭指諸君試看潮

河邊猶有宋將楊業之墓田

甲寅時在都門

春感八首和家恭二養泉叔到依其韻

春不留時惜景難况無人惜獨心酸
王孫那解憐芳草君子
何曾肆伐檀剩有馮煖彈矩缺誰教
馬援據征鞍幾番花信
淒涼甚多恐東皇未忍看

韶琴迴眼轉神傷桃李場今作戰場
禦敵何嫌城是柳饒軍
翻覆弩爲糧斯民南土曾免爛此地
東風又席狂無蒂易春
真力薄可憐人面假白芒

綠柳垂絲草敢鉤眼看春盡只生愁
近來何物彊人意此春
伊誰獲野謀市義不妨齊有免扶危
敢使魯無鳩寄聲聞外
諸君子莫比羊頭關內侯

幾人投筆學班超不數金張七指貂腹內甲兵誰主客眼前
春夏講蒐苗綠肥紅瘦鶯初語草軟風柔馬不驕疑是凱歌
傳日下新聲吹徹賣錫簫

榆莢何曾值一錢苑中惟見柳三眠未經雨降師先出思御
風行力大綿雌伏雄飛無定所春寒就暖有情天薊門煙樹
盧溝月消受春光又一年

今年鑣騎渡龍沙今日乘鞭踏落花北國封侯談燕領東方
博物安關手豈知借箸風難繼翻喜揮戈日未斜見說當時
劉越石不禁起舞但吹笳

初鶯歸雁去來頻無盡閒愁一窩真折屐似曾聞破賊飛錢
畢竟為通神不知所賀王孫幼作汰于貪陸賈貧獨使詩人
重有感郊原極目送殘春

江郎才盡筆難揮和到陽春曲更稀腕底雲煙渾漠漠眼中
楊柳尚依依何時董父登縣布此日王孫愧解衣莫向師干
問南土蠻荆從古紀來威

題廣五季雲霖詩集

吾愛季雲氏風流託酒杯斯文身世感佳句性靈開宦味闌
情否春光入眼來相看良自媿長嘯對燕臺

柳枝詞二十首次養泉井韻

不問楊花問柳花黃金臺畔日西斜于今萬柳堂猶在記否
當時宰相家

眼波流處不勝嬌那堪雨滴更風飄可憐樊園無人問不及
草花朱雀橋

免贗何事戲鞦韆斷送春光九十天垂楊不識春光太猶引

柔條繫釣船

勸君莫上蘇公隄
勸君莫聽亂鶯啼
蘇隄樹老鶯啼盡
一夜秋風溪水西

者邊愁思挂垂楊
十二闌干幾曲廊
而今消息無人問
拖地青絲隔短牆

為送行人雙眼青
驪駒一曲不堪聽
別離見慣渾忘苦
風雨朝朝長短亭

蘇小門前明月多
亞夫營外影婆娑
近來有客傳風信
生意蕭條喚奈何

吹花擘柳揔目風
怕惹香塵拂軟紅
欲覓情絲無處問
愁圍在雨聲中

驚黃鴨綠襯青苔
阿儂倚樹獨徘徊
生憎當日歐公柳
但向鵝黃鴨綠襯青苔

平山堂下栽

龍池樹影自深深
陶潛那許託知音
布衣未識宮袍綠
記取長隄十畝陰

張緒當年少小時
霸齋殿裏弄丰姿
弱魯罷舞眼波醉
贏得鵝邊如許絲

為郎乞得幾分陰
拚取長條恨不禁
飛絮有時隨妾意
垂絲無計綰郎心

平橋不愛樹扶疎
只愛平橋月上初
橋外樹陰陰際月
波光上下影交如

膏輕眉細太爭妍
誰聽回風唱麗娟
不是金城再相過
風流只道有人憐

帶雨搖煙翠欲流
南歸有客盪輕舟
長隄千里愁千里
直把

揚州接汴州

枝斜影瘦綠煙稠晚風盪漾夕陽樓女兒膏細纔上舞少婦
登樓愁更愁

三眠只道摠黃昏不聽西風到白門青酒棋邊紅板路阿儂
無處可銷魂

柳陰疎漏月鉤纖月不曾圓葉更尖誰想天上更纖巧一齊
摺入水晶簾

依依裊裊路旁情只恨王恭太瘦生移向未央宮裏去人間
從此別離輕

何處輕煙散柳花讀書堂是柳渾家薊門可有支離妹惆悵
東風人字斜